

ՀԱՂՈՐԴԱԳՐՈՒԹՅՈՒՆ

ՔՐԻՍՏՈՆԵՈՒԹՅԱՆ ՀԱՅԱՍՏԱՆԻ ՊԵՏԱԿԱՆ ԿՐՈՆ
ՀՌԶԱԿՄԱՆ 1700-ԱՄՅԱԿԻ ԳՈՐԾԱՊԴԻՐ ՄԱՐՄՆԻ
ԺՈՂՈՎԸ Ս. ԷԶՄԻԱԾՆՈՒՄ

Քրիստոնեության Հայաստանի պետական կրոն հռչակման 1700-ամյակի նշման աշխատանքները հետզհետե առավել են ծավալվում: Կենտրոնական Հանձնախումբը, Ամենայն Հայոց Հայրապետի նախագահությամբ և Մեծի Տանն Կիլիկիո Արամ Ա. Հայրապետի (Բ. Նախագահ) և Երուսաղեմի ու Կոստանդնուպոլսի Պատրիարքների ատենապետությամբ, ընդհանուր ուղղությամբ և ոգի տվեց Գործադիր Մարմնին Սեպտեմբեր 1986 թ. Ա. Էջմիածնում գումարված անդրանկիկ հանդիպման ընթացքին:

Գործադիր Մարմինը ցարդ ունեցել էր երկու նխտեր և մեկ խորհրդակցական հանդիպում:

Ներկա՝ Սեպտեմբերի 2 և 3-ին Գործադիր Մարմինը գումարեց իր երրորդ նխտը Մայր Աթոռ Ս. Էջմիածնում՝ նախագահությամբ Ամենայն Հայոց Ն.Ա.Օ.Տ. Տ. Գարեգին Ա. Կաթողիկոսի:

Երկուշաբթի, Սեպտեմբերի 2-ի առավոտյան, Վեհափառ Հայրապետը ժողովը րացեց Տերունական աղոթքով և ողջունեց Գործադիր Մարմնի անդամների ներկայությամբ Ս. Էջմիածնում և ապա նշեց, որ գոհ է մնացել Փարիզի 14-16 Հունիսի Խորհրդակցական Ժողովի արդյունքներից: Հետո հույս հայտնեց, որ այդ ժողովից բխած բեկադրանքներն ու որոշումները պետք է իրացվեն առաջիկա հինգ տարիների ընթացքում, հատկապես ներգրավելով օտար գիտնականներ, Համալսարաններ, գիտական կենտրոններ, և առավելագույնս օգտվել նրանց ընձեռած հնարավորություններից և առավելություններից:

Վեհափառ Հայրապետը հայտնեց, որ Գործադիր Մարմնի կազմում որոշ փոփոխություններ են մտցվել: Նոր անդամներն են՝ Գերաշնորհ Տ. Գարեգին Արք. Ներսիսյանը և Հոգեշնորհ Տ. Մուշեղ Մ. Վրդ. Մարտիրոսյանը: Գերաշնորհ Տ. Մխրոյ Արք. Աշնյանը Ամենայն Հայոց Կաթողիկոսի կողմից և համախորհուրդ Տ. Տ. Արամ Ա. Կաթողիկոսի նշանակվել է գործադիր վարիչ՝ հիմնական գրասենյակ ունենալով Մայր Աթոռ Ս. Էջմիածնում:

Վեհափառ Հայրապետը ուրախությամբ հայտնեց, որ գործնական ընթացքի մեջ է երևանի Մայր Տաճարի կառուցման ծրագիրը, և թե ամենուր, հատկապես Հարավային Ամերիկա իր վերջերս կատարած հովվապետական այցելության ընթացքին նկատել է, որ մեր ժողովուրդը խանդավառությամբ ընդառաջում է 1700-ամյակին, և մի տասնյակ անձեր արդեն իսկ հանձն են առել վանքերի և եկեղեցիների նորոգությանը համար իրենց կարևոր նպաստը բերել:

Վեհափառ Հայրապետի սրտապնդիչ խոսքերից հետո Գործադիր Մարմինը սկսեց իր աշխատանքները հետևյալ կազմով՝

Տ. Մեսրոպ Արք. Գրիգորյան	Ա. Ատեմապետ
Տ. Օշական Եպս. Զուլյան	Բ Ատեմապետ
Տ. Հովնան Արք. Տերտեղյան	Ա Ատեմադայիր
Տ. Մուշեղ Մ. Վրդ. Մարտիրոսյան	Բ Ատեմադայիր

Անդամներ՝

Տ. Գարեգին Արք. Ներսիսյան, Տ. Մեսրոպ Արք. Մուրադյան, Տ. Սևան Եպս. Ղարիբյան, Տ. Ասողիկ Եպս. Արիստակեսյան, Տիար Գրիգոր Խանջյան, Վլադիմիր Բարխուդարյան և Խաչիկ Պապիկյան:

Գործադիր Մարմինը իր գումարած չորս նիստերի ընթացքում ընդունեց հետևյալ որոշումները ու եկավ որոշ եզրակացություններին.

Ա. - Գնահատել 1700-ամյակի գրասենյակի բացումը Մայր Աթոռ Ս. Էջմիածնում: Գրասենյակը առայժմ ունենալու է երեք հոգուց բաղկացած անձնակազմ և արդիական բոլոր հնարավորությունները՝ ամիջական կապի մեջ լինելու Հայ եկեղեցու հոգևոր բոլոր կենտրոնների, առաջնորդության և հովվության հետ: Լայնորեն օգտագործվելու են համակարգիչները, ունենալու է E-Mail-ի և Internet-ի home page-ի հասցեներ: Շուտով հայտարարվելու են գրասենյակի հեռախոսի, հեռապատեհի և այլ թվերը:

Բ. - Ժողովը լսեց Փարիզի խորհրդածողովի առթիվ բանաձևված տեղեկագրերի համապարփակ վերլուծումները, որոնք ներկայացվեցին ըստ այսմ.

Հրատարակությունը - Վլադիմիր Բարխուդարյան

Արևմտյան Հայաստանի և այլ պատմական վանքերի վերանորոգում -

Գրիգոր Խանջյան.

Գիտական Համաժողովներ - Տ. Մեսրոպ Արք. Գրիգորյան

Միջազգային ցուցահանդեսներ - Տ. Մեսրոպ Արք. Աշնյան

Ուխտագնացություններ - Տ. Հովնան Արք. Տերտեղյան

Հոգևոր կյանք - Տ. Օշական Եպս. Զուլյան

Գ. - ՎԱՆՔԵՐԻ ԵՎ ԵԿԵՂԵՑԻՆԵՐԻ ՎԵՐԱՆՈՐՈԳՈՒԹՅՈՒՆՆԵՐԸ

Մեսրոպ Արք. Աշնյանը հայտնեց, որ Օգոստոսի 27-ին Վեհափառ Հայրապետի նախագահությամբ գումարվել է Հայաստանի առաջնորդների ժողով և ապա համատեղ հանդիպում Պետական Համձնաժողովի հետ՝ գլխավորությամբ Հայաստանի Սահմանադրական դատարանի նախագահ Պրն. Գազիկ Հարությունյանի: Առկա հանդիպումների ընթացքում կազմվել է վերջնական ցուցակը այն վանքերի և եկեղեցիների, որոնք առաջիկա հինգ տարիներին անհրաժեշտ է, որ լիովին վերանորոգվեն և ընծայվեն մեր ժողովրդին՝ իբրև ուխտավայր և աղբյուրատեղի: Առաջնահերթության կարգով նկատի առնվեց Արարատյան թեմից Խոր Վիրապի վանքը իր բոլոր հնարավորություններով և կենտրոնական ուխտավայրի, աղոթքի, հսկումի կենտրոնով և ցուցասարահով: Շիրակի թեմից ներառվեցին չորս կառույցներ, Գուգարքի թեմից՝ յոթ, Այուդյաց թեմից՝ յոթ, Արմավիրի թեմից՝ երկու, Արագածոտնի թեմից՝ տասնմեկ, Գիղարփունյաց թեմից՝

երկու. Կոտայքի թեմից՝ չորս: Առանձին ցուցակներ պատրաստվեցին Արցախի թեմի համար. ինչպես նաև տարբեր մակարդակի վերանորոգման հնթակա վանքեր և եկեղեցիներ:

Սույն վանքերի և եկեղեցիների նորոգությանց պարագային ի նկատի առնվեցին մի շարք տվյալներ՝ համախորհուրդ պատմական հուշարձանների պահպանման պետական կոմիտեի պահանջներին. –

- ցարդ կատարված աշխատանքների ընթացքը,
- կառույցները շտապ կարգով փրկելու անհրաժեշտությունը,
- նրանց գործող լինելու հանգամանքը և հնարավորությունը:

Բոլոր վանքերի նորոգությանց պարագային ի նկատի են առնվելու նրանց պահպանության ամրոգը տարածքը. ինչպես նաև այդ տարածքների բարեգարդման և բարեկարգման աշխատանքները, վանականների և աշխատավորների բնակարանային հարմարությունները: Առաջարկվեցին նաև, Թեմական Առաջնորդների հետ խորհրդակցելուց հետո, Ամենայն Հայոց Հայրապետին ներկայացնել ծրագիր. ըստ որի վերանորոգված վանքերից ունենա հատուկ առաքելություն և կոչում՝ հիմնված իրենց անցյալի ավանդությանց, ներկա հնարավորությանց և Հայ եկեղեցու վերագործոցի մեջ իրենց ունենալիք դերակատարության կապակցությամբ:

Ի վերջո, բոլոր նորոգությանց պարագային հաշվի պետք է առնվեն մեր վանքերի հայկական բնաշխարհի և բնության հետ ներդաշնակումը, բնապահպանական պահանջների հաշվառումը և առհասարակ աղոթական, հոգևոր, կրթական, ուսումնական, տնտեսական և հրատարակչական կոչումները:

Դ. ՀՐԱՏԱՐԱԿԱՑՈՒԹՅՈՒՆ

Գործադիր Մարմինը ֆնանդեց այն բոլոր առաջարկները, որոնք վերաբերում են աստվածաբանական, պատմական, մեկնողական, բնագրային, գեղարվեստական հրատարակչությանց և, պետական համաճառողովի հետ համագործելուց հետո որոշ աշխատանքներ, նշտեց Հայ եկեղեցու հրատարակելիք հատորների հրատարակությանց սկզբունքներն ու առաջնահերթությունները: Որոշվեց խմբագրությունը մի ՀԱՅ ԲԻՍՏՈՆԵԱԿԱՆԻ, ինչպես նաև ֆառահատոր մի աշխատության՝ որ նվիրված լինի Հայ եկեղեցու դավանության, ծեսին, պատմության, ավանդության և կարևոր բնագիտություն: Հրատարակվելու են նաև գիտական բե ժողովրդական գործեր և զբոսաշրջիկային և ուխտավորական գրքույկներ:

Ե. ՍՓՅՈՒՌԻ ՀԱՅ ՎԱՆՔԵՐԸ

Հայաստանի և Լեռնային Ղարաբաղի Հանրապետության տարածաշրջանների վանքերի և եկեղեցիների նորոգությանց առընթեր, որոշվեց հատուկ ուշադրության առարկա դարձնել տարբեր երկրներում գտնվող մեր վանքերի նորոգությունները, և համագործակցել միջազգային այն կազմակերպությունների և Համալսարանների հետ, որոնք կարող են զբաղվել և օժանդակել Արևմտյան Հայաստանի վանքերի և լլների ավերակների պահպանմամբ: Ջանք պիտի չխնայվի նաև նպաստելու Իրանի և Եգիպտոսում գտնվող Ա. Թադեի վանքի վերանորոգության համար:

Ջ. ԿԵՐԴԱՇՆԱԿՈՒՄ ՊԵՏԱԿԱՆ ՀԱՆՁՆԱԺՈՂՈՒԻ ՀԵՏ

Գործադիր Մարմինը իր վարիչի միջոցով կապի մեջ է լինելու Հայաստանի Պետական Հանճաժողովի հետ՝ մերդաշնակելու համար միջազգային գիտա-
ժողովները, ցուցահանդեսները ու գեղարվեստական, հոգևոր, երաժշտության և
երիտասարդական փառատոները: Գործադիր Մարմինը ամբողջովին իր վրա
վերցրեց մինչև 2000 թվականը Ս. Էջմիածնում գումարել քարձր մակարդակի
գիտաժողով՝ "Հայ եկեղեցու և ֆրիստոնյա այլ մշակույթների երկխոսություն"
թեմայով: (The Armenian Church in Dialogue with Other Christian Cultures):

Է. ՄԻԶԱԶԳՎԱԹԻՆ ՅՈՒԹԱՀԱՆԴԵՍՆԵՐ

Հայաստանի Պետական Հանճախմարի հետ միասին նախաձեռնվելու են
բազմաթիվ ցուցահանդեսներ թե՛ Հայաստանի, թե՛ Ռուսաստանի Դաշնության և
թե՛ Եվրոպայի ու Ամերիկայի կարևոր քաղաքների և թանգարանների մեջ:
Առաջիկային կազմակերպվելու են տարբեր թեմաներով ցուցահանդեսներ -
"Հայաստան՝ բիրյկական երկիր", "Հույս, հավատ, սեր", "Հայ եկեղեցիների
վարագույրները", "Հայ եկեղեցական զգեստներ և սպասք", "Մայրը մանկան հետ",
և այլն և այլն:

Ը. ՈՒԽՏԱԳՆԱՅՈՒԹՅՈՒՆՆԵՐ

Ժողովը ֆնեց "Հայաստան՝ երկիր ուխտավայր" թեմայով ուխտագնացության
մի հատուկ հայտագիր, որի նպատակը լինելու է մեր ժողովրդի մեջ վերարթնացնել
Ուխտի, Ուխտավորի և Ուխտավորության գաղափարները: Այս առթիվ 1997 թ.
Օգոստոսից սկսյալ կազմակերպվելու են բազմաթիվ ուխտագնացություններ՝
երկնյուղ զարգացումներով: -

1. Վերաբժևորում հայկական սփյուռքի ուխտավայրերի (Նրուսադեմ,
Անթիլիաս, Ռումլիճա, Ֆրանսիա, Ղրիմ, Տեր Ջոր, Վրաստան, Իրան) և դրանք
թուրքն էլ պիտի հանգեն Մայր Հայրենիք և Ս. Էջմիածին ուխտավորությամբ:

2. Հայաստանի ութ թեմերում և Արցախում կազմակերպվելու են ուխտագնա-
ցություններ՝ թե՛ զանգվածային փոխադրամիջոցներով և թե՛ հետիոտն կերպով:
Ամեն տարի մեկից երկու թեմ պիտի լինեն ուշադրության կենտրոնում, և այդ
թեմերում կազմակերպվելու են հոգևոր, մշակութային, գեղարվեստական
ձեռնարկներ:

Սույն երկնյուղ ուխտագնացությանց պսակումը լինելու է 2001 թ. համազգային
ուխտագնացությունը, որը զուգակցվելու է Հունիսի 18-ի մեծահանդես
տոնակատարությանց: Այդ տարի երիտասարդական ուխտագնացությունը սկսվելու
է Հունիսի 1-ին Գանձասարի վանքից, և թե՛ Հայաստանից, թե՛ սփյուռքից երիտա-
սարդ ուխտագնացների հետգհետն միանալու են ուխտավորական խմբերին, որոնք
Գանձասարից առաջանալու են դեպի Տաթև և Հայաստանի պատմական վանքերի
ուղիով անցնելու են Հաղպատից, Սանահինից, Գյումրիի վանքերից Աճի և ապա
Արագածոտնից առաջանան դեպի Օշական և Խոր Վիրապ, ուր Հունիսի 17-ին Ս.

Գրիգոր Լուսավորչի ելն ի Վիրապե տոնի առթիվ տեղի են ունենալու քաղաքիվ միջոցառումներ: Նույն գիշերը քաղաքահազար երիտասարդներ ջահագնացությամբ առաջանալու են դեպի Ս. Լուսավորչի Տեալական վայրը և Հայոց հավատի բերդը՝ Ս. Էջմիածին, ուր և տեղի է ունենալու արևագալը:

Թ. 1 ՈՒՆԻՒ 18, 2001 Թ., ՀԱՅԱՍՏԱՆԻ ՄԵԶ ԲՐԻՍՏՈՂԻՈՒԹՅԱՆ ՊԵՏԱԿԱՆ ԿՐՈՆ ԺԱՆԱԶՄԱՆ ՄԵԶԱԶԳԱՅԻՆ ՕՐ

Որոշվեց առաջարկել, որ սույն թվականը մտցվի ֆրիստոնեական բոլոր հոգևոր կենտրոնների, Սոցեո-ի և համաշխարհային և էկյումենիկ կազմակերպությանց օրացույցների մեջ, իրրև պաշտոնական թվական Քրիստոնեության Հայաստանի Պետական Կրոն հռչակման: Իսկ 2001 թ. արդեն իսկ հայտարարել իրրև հորեյլանական տարի հետևյալ ժամանակացույցով.

- | | |
|--------------------------------|--|
| 1. Բացում | - Ս. Մոունդ, Հունվար 6, 2001 թ. |
| 2. Միջազգային օր | - Հունիս 18, 2001 թ., Տոն Ս. Էջմիածնի |
| 3. Ուխտի ճամփա | - Հունիս 1-18, 2001, Գանձասարից Ս. Էջմիածին |
| 4. Մեռածօրինք | - 29 Սեպտեմբեր 2001 թ., Վարազա Խաչի տոն |
| 5. Երևանի Մայր Տաճարի
օծում | - 6 Հոկտեմբեր, 2001 թ. |
| 6. Փակում | - 1 Դեկտեմբեր, 2001 թ., Տոն առաջին Լուսա-
վորչաց, Ս. Թադեոսի և Ս. Բարթողիմեոսի: |

Ժ. ՀԱՆԶՆԱԽՄԱՐԵՐԻ ԿԱԶՄԱԿԵՐՊՈՒԹՅՈՒՆ

Գործադիր Մարմինը քաղաքակրթմանի ճնշարկումներից հետո հաստատեց ստեղծումը քաղաքիվ հանձնախմբերի, որոնք առաջիկային պիտի հանդիպեն և պատրաստեն իրենց աշխատանքի ծրագրերը, բյուջեն և այլն: Այդ Հանձնախմբերն են. - էկյումենիկ, հրատարակչական, միջազգային համաժողովների, միջազգային ցուցանդեսների, հրատարակությանց, պատմական վանքերի վերանորոգությանց, Հայաստանի վանքերի վերանորոգման, մշակութային ձեռնարկների, հոգևոր երաժշտության, միջազգային փառատոնների, գեղարվեստական և ծխական-փաստագրական ֆիլմաշարերի, հուշարձանների և հուշանվերների:

ԺԱ. ԽՈՐՀՐԴԱԿՑԱԿԱՆ ՀՈՒՇԱՆՎԵՐՆԵՐ

Արդեն իսկ պատրաստվում են մի շարք ձեռնարկներ. -

1. Հիշատակի մեղալ (նսկի, արծաթ և բրոնզ) - արվեստագետ՝ Ռումեն Զուլիալյան,
2. Կրճանջան և հուշանվեր - արվեստագետ՝ Արմեն Քյուրֆյան
3. Էմբլեմ - Կարապետ Փաշայան և Ռուբեն Արուճյան

Առանձին մի էմբլեմ պատրաստվում է միջազգային "Ogilvy and Mather" ընկերության կողմից և 20.000 T-shirt-եր՝ հատուկ մի խորհրդանիշով, որ գործն է վազգեն Գալայչյանի (ԱՄՆ):

ԺԲ. ԴՐՈՇՄԻԿ

Գործադիր Մարմնի ընթացիկ բյուջեն ապահովելու և բազմաթիվ ձրագրերի մշակման և զարգացման համար որոշվեց հրատարակել 1.200.000 դրոշմիկներ, որոնք կարելի է գործածել Ամանորի և Ս. Մենդյան տոների առթիվ (Christmas sea/s) և այլ պատեհ նպատակներով: Այս դրոշմիկները գեղեցիկ կերպով պատկերում են ամեն հայի համար Քրիստոսի կենաբար խաչը, Ս. Էջմիածինը և Արարատը: Դրոշմիկը ունի հայերեն և անգլերեն հետևյալ բացատրությունը - **ՔՐԻՍՏՈՆԹԱ ՀԱՅԱՍՏԱՆ 1700:**

ԺԳ. ՔՐԻՍՏՈՆԹԱ ՀԱՅԱՍՏԱՆ - 1700

Որոշվեց հայտարարել Քրիստոնյա Հայաստան 1700 անունով մի պարբերաթիվ, internet-ի վրա և ապա տարածել երկրից երկիր տպագրությամբ:

Այս թերթի նպատակն է 1700-ամյակի բոլոր ձեռնարկները ժողովրդականացնել:

Հուսով եմք, որ Աստծո օրհնությամբ և մեր հարազատ ժողովրդի բոլոր զավակների սրտագին օժանդակությամբ պիտի հաջողեցնենք իրականացնել մեր վրա դրված բոլոր հույսերը:

ԴԻՎԱՆ
ԳՈՐԾԱԴԻՐ ՄԱՐՄՆԻ

Ս. Էջմիածին

Սեպտեմբեր 10, 1996